

三洞讚頌靈章卷中

應用讚頌

馬元

七真讚

太上玄虛宗弘道尊其經俯仰已得仙歷劫  
 無數齡巍巍大聖德寂寂因無生霄景結空  
 構乘虛自然征日月為炳灼安和樂未央  
 學仙絕華念念念相因積去來亂我神神跡  
 靡不歷滅念停虛間蕭蕭入空寂請經若飢  
 渴持志如金石保子飛仙路五靈度符籍  
 濟我六度行故能解三羅清齋禮太素吐納  
 養靈牙逍遙金闕內玉京為余家自然生七  
 寶人人坐蓮花仰瞻玄都奈俯酣空洞瓜瓞  
 頽耀朱日冥計年劫多法鼓會羣仙鳴鐘微  
 大魔  
 靈風扇奇花燦爛開繁祿天真撫雲瓞眾真  
 彈靈琴雅歌三天景散慧玉華林七祖升福  
 堂由此步玄音前世福未足斯書邈難尋信  
 道情不盡圖飛乃返沈太上無為道弘之在  
 兆心  
 學道由丹信奉師如至親抱景伴清輝孜孜

隨日新衆人不得度中不度我身大願有重  
 報玄德必信然陰德罪至深對來若轉輪  
 學道亦甚苦晨夜建福田種福由植樹積黃  
 而成山子能耽玄尚飄爾昇清天修爾無為  
 道當為結大緣太上至隱書名為智慧篇披  
 苦由人材超俗以得真靈安世不奇時若淵  
 中蓮  
 人行各有本皆由宿世功立德務及時發願  
 莫不從善惡俱待對倚伏理難窮賢士奉法  
 言道亦在兼忘解是大智慧上為太極翁寶  
 蓋連玉佩命駕御九龍金華擎洞經捧香懸  
 仙童嘯歌徹玄都鳴玉扣瓊鐘  
 鍊身凌太清超景逸雲霄保扶持法言遊玄  
 極道遙萬劫猶昨夜千秋如展朝魏我陰靈  
 華手攀寶林條香煙自然生玄階莫扶搖靈  
 幡應時散繁想應時消滅智弘大混無為為  
 清誦

啓壇頌

渺渺空無象悠悠感至靈敬則承天既泄則  
 被魔精吉凶隨運轉否泰應緣生道不貴珠

玉神惟感至誠丹情盡勤苦懇禱竭至情自  
 然通大道皆得降真靈捨香陳所願稽首莫  
 嘉禎天專常湛寂回心禮香冥

解壇頌

太空包有家至道窈無形承和通妙炁感應  
 達哀情倏忽周八極依稀降萬靈微香陳素  
 悃委質表丹誠遠沉翔鸞蓋遐舉綺鳳雅烟  
 宮高鬱鬱霞閣上停停瓊駕出霄漢金龍入  
 太清甘露降人世景福被幽冥

請玄師頌

科律嚴章奏精誠事百神投詞陳悃願潔醮  
 答高天俯盼垂雲駕冥心啓上真玄師都教  
 主奉請降凡塵

請天師頌

太上傳符籙初因過鶴鳴積功超玉簡列位  
 侍三清接引章詞奏克隨凡庶情修齋當奉  
 請願俯鑒精誠

請監齋頌

寶號留塵世仙階列上清三千功已滿八百  
 行先成禮懺修真福監齋作證明今宵雲取

降祥社救舍生

請天官頌

妙道垂真教修齊五福田結壇朝上聖建照  
會高仙注念通霄拯精神感上玄天官秉寶  
輦彩伏下凡筵

請地官頌

翼翼陳丹悃競競仰紫虛祈通塵下志願達  
土皇君潛應垂真祐遐臨赦罪書地官求下  
降俄擁五雲輦

請水官頌

方便開真化慈悲立聖科虛心修妙會調炁  
詠靈歌默念祈淵府丹誠通大羅水官龍駕  
降雲錦起滄波

請五帝頌

五帝居仙品糾彈善惡因祥光臨宇宙惠澤  
清沈淪發露祈真佑冥心感聖賢存亡俱快  
樂享福永無垠

請經師頌

入靖修黃籙嚴裝啓上仙奏章先達御詞款  
欲闡靈寶錄因師度威儀太上傳經師求下

降奏請列羣仙

請籍師頌

肅肅祈清福說說結寶齋登壇須此夜行道  
續徘徊有願仍難啟皈心道眼開經和師來下  
降仙仗下瑤臺

請度師頌

經戒丹心待虔誠召百神捨香祈至聖持戒  
請仙真清詠凌朝啓精思入夜勤度師來下  
降保護結齋人

送玄師頌

上帝命真仙修齋黃籙壇請天來下降焚香  
懺罪愆祈思行道畢齋事已周圓洪福留人  
世玄師上九天

送天師頌

齋福已精嚴表牒上九天至誠通虛應闔門  
得延生掌籍諸天衛章詞達御前和宗感升  
度嗣胤慶榮連三天扶教主事畢奏功圓

送監齋頌

靈壇崇法席允賴下監臨糾過兼言喜真仙  
亦仰欽行當驅道騎縹緲五雲深生存富有

賴更復濟幽沈

送天官頌

妙範修齋直明科洗罪根瞻霄崇上喜滌惡  
致微言既納依投靖蒙垂章有恩天官還玉  
府寶駕入金門

送地官頌

淨會朝元罷三塗結果因真思宣五嶽誠悃  
奏三天撤席停宗範解壇送列仙地官回嶽  
府高涉五雲輦

送水官頌

宣演靈音畢諸仙送上穹靈光降橫尼甘露  
降真風復命驪龍駕遙送太寶官水官歸洞  
府福祿賜無窮

送五帝頌

仙仗來霄極尊臨列五方檢氣吹羽節鸞輅  
駐清場齋事將圓撤迴輿送上蒼流恩無不  
適宜但感馨香

送經師頌

經法雖微妙崇奉慈因師凡有五善者咸得  
頻禮之氣運功易就心慢悔難追若能勤繫

念朝夕自仙飛

送籍師頌

道以齋為重法以朝為常不修不奉者安能  
違帝鄉有骨入仙品自然開紫房玄武推靈  
駕但見金殿堂

送度師頌

迢迢玉京山玄都何魏魏朗朗長夜開真人  
乘步虛大道由人弘心至神自歸修齋行道  
畢稽首辭三師

明燈頌

正一陽光炎上朱烟開明童子一十二人洞  
照天下及臣等身百邪摧落却鬼萬千光明  
朗徹通真達靈

太上散十方華燈通精誠諸天悉皆照諸地  
皆朗明我身亦光徹五臟生華榮矣景朝太  
虛遐想通玉京

丹精寄太元玄陽空中饗食形骸苦根幽妙

至真想垂華不親實因緣永無象我身亦如  
之乘化託流景

夜光表丹陽遙遙照虛空諸天普光類諸陰

即自滅我神亦聰明常玩智與慧運運通運  
運運謝任天勢舉形躡空洞夜燭燦淡萃

滅燈頌

玄陰閉光長燈續明太陽已朗八山開清燈  
運太陰光附景生日月二真為我合弁

智慧頌

智慧生戒根真道戒為主三寶由是與高仙  
所崇受況此不死舟倏忽濟大有當此說戒  
時諸天來稽首

智慧起本無明朗起十方結空時玄霄諸天  
挹流芳其妙難思議靈感真容通有有竟无  
有無無無不容

智慧常觀身學道之所先眇眇任意肆自然  
錄我神天專常擁護魔王為保言是冕金剛  
軀超超太上仙

奉戒頌

道為無心宗一切作福田立功無定準本願  
各由人虛已應眾生注心莫不均大聖崇正  
教亦由雨降天高凌靡不周常卑故成淵海  
為百川玉是能合龍鱗萬劫保智用豈但在

厥年奉戒不暫虧世世善結緣精思念大乘  
會當體道真

還戒頌

天尊大慈悲說戒度眾生威德被幽顯果報  
感真靈諸天來稽首奉慶自來形過去超八

難見在保千齡齋福行當息相共迷度誠流  
梵逸雲唱飛香雜烟馨瓊鳳乘丹筆金龍駕  
綠軒生死皆快樂家園悉安寧

燒香頌

學道當勤苦欽信運丹誠燒香皈太上真炁  
雜烟馨惟希闕大有七祖離幽冥

太極頌

道以齊為先勤行登金闕設設大法攝普度  
諸人物宿世恩德報道心超然發身飛升仙  
都七祖咸解脫

投簡頌

太上法微妙簡錄度人天元始告符命時刻  
獲升仙傳投救沈溺皆得自修然書名金錄  
簡道通玉帝前

度簡頌

赤明開玄圖和暢通上虛元始教靈章十部  
飛天書開度九幽祖為通道自居玉皇秀瓊  
林生死福德虛自無黃籙簡苦根焉得除旋  
行誦靈章五靈還相扶

焚詞頌

眾生多障難大道實矜憐濟度垂科教咸令  
懺罪緣罪愆遍地府覺結已開天發露析真  
佑冥心感聖賢虔恭禮三寶願得壽長年焚  
詞版上界奏名玉帝前

焚疏頌

聖德流科教修齊福壽長延生移玉簡請命  
奏金章罪名消北府生籍注南昌見存皆快  
樂過去生福鄉

迎真頌

天尊御天龍百萬神仙騎雲起自道還玉音  
成鼓吹花嚴如意珠聖化不思議惟願降瑤  
壇福被羣生類

送真頌

回耕五雲與騰駕九章歌倏忽升天遠離壇  
香氣多玄恩單宇宙福祿遍山河極想神仙

路道送上大羅

送直符頌

仰啓直符使幽顯路階通乘雲馳奏橫遠涉  
三界中紫清金闕遠玄都水府官奏傳賢職  
息端簡俟真風

普獻頌

普獻無邊聖香煙散十方願乘七寶臺垂光  
五濁世運度人天眾咸令上法橋同會證無  
為勤修不退轉

北帝頌

善哉元始專眾生慈父母傾光紫微宮曲映  
九幽戶我戮丘寒庭回照廓冰浦炎炎烈火  
獄沛然洒法雨圓通大哀智常善濟眾苦拔  
度長夜魂今得稽首禮

華夏讚

勤行奉齋戒誦經制六情故得乘空飛耀景  
騰玉清精心奉齋戒吐納鍊五神內德冠諸  
天轉輪成上仙

學道讚

學道行為急奉戒情制心虛真正炁居仙聖

自相尋若不信法言胡為棲山林

太極真人頌

神雲煥層虛梵羅屯碧霄元始九龍駕真人  
按青輶靈光集萬真珠影開陽寥出示靈寶  
篇福德由是招洞玄隱為嚴玉音泛雲傲无  
量匪得思道海生波濤法義同消流滋植成  
嘉苗用以賑飢窮教典衛中朝帝尊壽億年  
太平滅兵刀稽首望玉晨靈華散金毫  
大道雖無心可以有情求佇駕空洞中迴盼  
騎滄流淨明三界外蕭蕭玉京遊自無玄擬  
運誰能悟冥趣落天漢澄俯仰即虛柔七  
玄散幽裔返胎順沈得冥期苟潛凝陽九無  
虞憂觀此去來會時復為淹留外身而身存  
真仙會良儔  
登臺玄中趣湛湛清漢波代謝若旋環橋木  
不改柯靜心念至真隨運順離羅感應理常  
通神識速自徂淡遊初無際繁想洞九霄飛  
標散玄業理反非有它常能誦玉章玄音微  
霄返甲申洪災至控翻王母家永享無終紀  
宜知年劫多



金籙度命九幽拔罪頌

稽首無上道歸心元始尊至真妙應主開化  
飛玄門妙戒怡五靈金書警萬神察命定籙  
籍靈符度苦魂乘雲朝玉帝齊契玄中人

解冤拔罪頌

偉哉大道君常普無量功舟楫生死海濟度  
超羅酆罪對不復遇福報與冥通用神安可  
測讚之焉能窮

功德往生頌

冷冷甘露滋法味難思議齋香流七真冥冥  
何生疑受此法食者生天登紫微

福田高巍巍供施令清淨一切有為事普皆  
成代命拔汝三塗苦施汝九玄慶臨當受食  
時諸天皆讚詠

寒庭多悲苦迴心禮元皇女青靈寶符中山  
真帝書一念昇太清拜念歸太無功歸九幽  
下旋旋生紫微

太元真人臨授洞玄經頌

八塗會無宗乘運觀寶羅化浮塵中除解杵  
有道家騎煙忽未頃攜真造靈阿在景瞻瓊

軒玄鈞作鳳歌道路無執滯神音舞雲波齊  
德秀玉京何用世間多左把玉華蓋飛展躡  
七元三辰煥紫輝珠吟撫明真變踊期須臾  
四面皆已神靈文無滌際勸思上清又何事  
坐橫塗令爾感不專陰河失玄機不覺年歲

分玄彼振滄濤洪津鼓萬流為景盼六虛思  
與真人遊妙唱不我對清音無誰投雲中騁  
瓊輪執為塵土侍

太極真人頌

太上大道君出示靈寶篇高妙難為喻猶披  
玄中玄自然十方土共仰無上仙大手洞虛

經安坐朝諸天上寶紫微臺下藏諸名山煥  
爛龍鳳文戰耀在其間妙哉太上道無為常  
自然王侯及凡庶所貴唯貴賢宿命有福慶  
卓拔在昔緣法師轉相授寶信劫數年廣心

度一切大福報爾身供養必得道奉行成至  
真大道無彼我傳當得至人

玄一一真人頌

眾妙出洞真煥爛耀太清奉者號仙人體元  
永長生道遙戲玄虛宮殿羅其形倩樂七寶

林晃朗日月精龍麟交橫馳風風翔悲鳴

太上治紫臺真誦洞經檢香稽首禮旋行  
繞宮城三周歸高座道王為應聲人主弘至  
道天下普安寧

玄一二真人頌

虛無常自然強名字大道躬選無邊際眾妙  
歸靈寶閉眼存至真精思降十老升仙永無  
為靈顯常妙好渴飲玉池醴飢食金花草淨  
世度八難濟世諸苦惱

玄一三真人頌

妙哉靈寶經太上自然書奉者致得道號世  
降真來受命宣道教真為超俗才事畢升神  
仙宮殿治玄臺時降崐崙崑崙山道遙想蓬萊

張天師頌

靈寶及大洞至真道經王唯有五千文高妙  
無等雙奉行致飛仙玄居治虛空侍衛太上  
臺道遙紫微宮萬劫猶電頃長存永無窮道  
眼已備足豁落自冥通幽昧無不知安坐觀  
十方

三啓頌

樂法以爲妻愛經如珠玉持戒制六情念道  
遣所慾淡薄正氣停蕭然神靜默天魔並殺  
護世世享大福

鬱鬱家國盛濟濟經道與天人同其願縹緲  
入大乘因心立福田靡靡法輪升七祖生天  
堂我身白日騰

大道洞玄虛有念無不契鍊質入仙真遂成  
金剛體超度三界難地獄五苦解悉歸太上  
經靜念稽首禮

演道讚  
天道應運陰陽至神察其機要有亡其身悟  
即爲上述者非真

演法讚  
天地萬物陰陽四時更相爲盜貴合天機聖  
功神明非賢莫知固躬輕命審察其宜

演術讚  
絕利一源三思反覆徇物之機生死在目樂  
出安靜思生害酷天地災祥時理爲福

清靜經頌  
五太初爲先虛無道自然混元權祖正妙體

契宗玄演教明無上知常假喻詮因斯清靜  
德闡化立經篇  
大道隱乎形真精混劫冥二儀分始兆一氣  
運無停覆載誠難則生成育只寧陶甄能匠  
物蠢動盡含靈

日月運虛空明明甚至公得天能久照麗物  
可成通有質象光照無情混象融陰陽常體  
道不息太無中  
妙道實難名包含萬物生運時充地脉任信  
稟天清吹煦真消息伸和大化成圓通歸一

體高下坦然平  
無相杳無蹤難名混沌中未萌天地日安得  
雨雲風聲破胚渾兆衝開物象象因斯分造  
化權立道無窮

清濁陰陽氣周流上下冲自然成感化終則  
契圓通萬類含滋育三元配合同乾坤交泰  
定都會一真空

肇判兩儀分人靈至貴專三才安宇宙二物  
定乾坤種種含真蒸元元實相門剛柔相濟  
用體道孰能存

降本通真體還元見末因春陽敷茂暢秋候  
主凋淪太極生形化純和造物新樞機推大  
運掌握任功神  
清靜理幽深誰能究竟專觀空際萬境絕相  
了諸心慧月流丹漢雲覆翠岑寂然人不  
動應物顯知音

人悟常清靜知源妙聖機大初無滯滯全寂  
隱光輝默默藏沙界昏昏徹紫微三元昇降  
後天地悉皆歸

心者靈之府神棲靜可安貪嗔癡易作戒定  
慧難觀深要正中正堅持闕內關常無生六  
慾法界自然寬

若遣諸情欲澄心妙洞觀同真非物物歸寂  
棄般般水速連天靜山高戴月寒圓融通智  
慧壺內聚金丸

正念無偏黨冲虛合自然六根塵頓息三毒  
病須痊妙道超空劫全神達上天些兒幽室  
處玄牝自絲絲

迷路失家鄉都緣昧已先心淨誠易動境熟  
爲難忘欲滌何能遣邪奸轉使荒回頭堪悟

處返照見空王

覺了諸塵漏分明道眼開色聲非有礙知見  
定須埋神靜千炎滅心虛萬慮天清風穿玉  
戶自有好音來

諸相觀非相其形是種無內含真法界體合

太空虛雲靜蟾光露潭澄綠色鋪此般明顯

示何在覓殊塗

寂照觀諸物羣靈豈有殊同真非可見絕迹

莫能摸的了堂中老休休法外無玄玄也

泯八極任寬舒

廓達真空界迴觀一物無混融同大漠湛寂

體虛无洞照音常寂圓通性自如中間并內

外不屬返元初

達了心無物無無實亦無何勞除妄想豈在

辨精靈綠靜虛苑巧歸真任不渝這般消息

密執敢強名模

萬法本來空無無合聖功湛然非內外寂爾

泯西東心境變忘處方圓一際同音冥超造

化無物悉皆通

假寂權為體還當去秋因忘緣如是息真靜

自然新契合無生法方知不夜春獨超天地  
外任意燕中申

一定達真常神光莫可量照開三毒室射透

五明堂寶月晴空露迷雲盡逐亡清風布消

息應物任舒張

曠劫鎮圓成無暗亦無明谷神常自寂法海

晏然清正念投真路澄心達妙程永離生死

繫三界任寬行

了寂沈聲迹深通至理幽真空寧有得實相

本無修飲啄從他過成儀任自由豁然除疑

議安靜保全周

為證眾生俱亡種種求頻起無偏果寧許

有根由取舍安能動因緣亦斷流瞥然都放

下聖道可傳留

上士何無爭勤常抱志堅棲真常惜泊養素

隱幽玄俯仰觀天理窮通達道淵堪嗟未明

者競法昧心田

德化非求報恩寬肯自矜艱光藏大器明性

瑩堅冰默契高亨速深通至道弘宣同愚士

執分別強談能

眾生多背道顛倒外邊求妄想因斯有真靈  
昧了休本來無欠少何假強持修煩拂迷雲

盡銀蟾照玉樓

謀事因生妄乖真為動神皆心存愛欲著物

起貪嗔常蓋無明火還添煩惱塵從茲緣受

報六道轉沈淪

為妄生嗔怨貪癡作障緣憂愁長繫絆煩惱

鎮纏綿為此迷真道從斯就業慙迴光能返

照自覺妙中玄

煩惱緣與念何曾覺自心茫茫遭苦辱擾擾

肯沈吟浪死無休息虛生直至今因而真道

失夢想轉來侵

人若通天地俱蒙道悉存藏根深固蒂滅魂

返安魂得悟長生路須開久視門全真神自

化無上法王尊

三洞讚頌靈章卷中